

東臺縣志

卷二十一	忠節	卷二十三	孝友
卷二十四	儒林	卷二十五	文苑
		卷二十六	仕績
			篤行

第六册

Kodak Color Control Patches


東臺縣志卷之二十一 傳二

忠節

生則成名死則成行匪蓬隨衆匪雅入鄭端志心
方剛折膽勁君子著行仁義爲柄慷慨從容同軌
於正錄茲亮節並光史乘志忠節

宋

徐翊楨茶人咸熙中詔取廉能判均州轉望江令擢湖
南按察副使時元將伯顏南侵起兵入衛克復饒州
有功賈似道惡其不阿撓其權遂解組歸居鄉每逢
宴會必垂涕曰中原未復社稷憂危豈臣子爲樂時



耶竟齋志以歿

徐暄寶慶開詔舉賢良授 宣聖府勾管李全亂曲阜
淪亡元主慕其賢授以言官不屈亡歸海上隱處以
終其身

元

孫思恭字德謙柝茶人元末辟充令史時僞吳張士誠
陷泰州明年陷揚州丙申復陷蘇州恭隨軍征進克
復高郵所向有功超擢萬戶士誠以其鄉人欲招爲
援恭曰挽回元氣在此一舉乃身往勸之以請朝命
奉正朔不失爲忠臣士誠因自裁不爲亂者數年恭
之力也以功擢嘉興府同知興學校勸農桑累遷至
淮揚總管徵爲王府參軍疾作不果行而卒

明

繆思敬字德中思恭弟張士誠知其名遣使來聘有司
催督強起之見士誠未嘗正視欲授樞要不從士誠
曰爾不肯官祿何以貽後思敬曰見得思義見危授
命人之大節吾寧殺身成仁不求生害仁士誠壯其
言不敢屈入明舉茂才除麟遊縣主簿遷蘇州府同
知尋以直諫戍邊嘉靖中巡鹽御史雷公應龍建祠
祀其兄弟稱二賢祠題其堂曰世義檄場司致祭天

啓中分司徐光國爲建坊曰忠節流坊以上舊十場志

于光棊茶人洪武初爲鞏昌指揮使元主出奔應昌擴

廓帖木兒寇鞏昌光力戰死之明年太祖命徐達李

文忠分道北征大破擴廓兵遂克應昌詔贈光昭毅

將軍配享功臣廟以其子彥真襲職卽授應昌參將

建文之難棄職去不知所終次子彥達亦執節不仕

明史

王仲仁安豐人良良見儒林傳高祖也洪武中官司簽爲義

勇戍四川寧藩衛後征南以戰卒時邊疆初定生齒

彫殘詔三丁攢一防禦邊陲故合爲勝王三姓

寧藩衛後鄧絕勝逃而王氏之戍猶昔亦見其忠國

之一斑云心齋集

繆昌期字當時耕茶場人江陰籍年少工屬文每試冠

其偶雖久困公車而筆鋒愈銛爲舉業名家成進士

選讀秘書楊漣左光斗方以選臺省候命昌期卽與

交驩挺擊事起嘗語人曰某以瘋癲二字出脫亂臣

賊子某以元功奇貨四字抹煞忠臣義士言出人人

側目又與趙南星聲氣相善而毒螫南星爲劉文炳

遷南星之怒怒昌期遂被彈歸至辛酉被檢討命典

楚試所錄多名士壬戌晉左贊善甲子晉諭德逆燄

薰灼昌期每與楊左扼腕痛憤言不除此賊何以報君父已而漣有二十四罪之疏一時喧傳爲屬草時葉向高當國師生誼厚而有犯無隱頗聞請讓令人幾無所容昌期莊語向高除君側之惡大臣責也向高唯唯謝不敏語亦漸泄無何向高去又數月時勢大異名賢次第被逐昌期攜壺榼相送灑涕言別逆闕轉甚推南院不_下因請告勒令閒止丙寅春與周宗建同逮言其補服黃蓋開館招賢皆羣小羅織語也昌期年稍邁不勝楚毒先諸臣死昌期傾身疆項不能近俗人遇同志刺刺日夕不休否則目攝之而已聞一出語如飛鏃着體一往透骨飲不沾唇絕無所歛洽偶論文相得及抵掌時事臭味相合生死共之矣救世一念如煖如焚而不能盡人_之用其貌瞿瞿其情充充如有窮祗爲正邪消長計而持局過峻人多望之卻走或曰鉤黨之禍公輩二三賢者激成之其然豈其然乎寃旣白贈詹事子祭葬廕一子

昌期

撰繆氏族譜序自叙與併茶繆氏同祖詳載繆氏家乘

國朝

崔之四號季公其家富安大族也居虎墩西場富甲一鄉兄之一之二皆以家難死於讐讐固同祖兄弟將

並及之四時之四年十七陽爲愍狀俾弗疑匿祖母
所兩旬乘閒逸去嗚諸官累年始得白竟抵讐於法
是獄也擬大辟八人徒流以下數十人讐兄弟力甚
盛而之四以一孺子出萬死不顧一生之計卒爲兩
兄復大讐其才氣有過人者順治初以例貢試中書
舍人從征滇南有功補安普兵巡道首覈虜繫婦人
萬餘資以路費令其夫男給領又宣諭尙苗咸使歸
化一載之內邊境廓清卒於官

王諭曰萬里從征不辭勞勩冷署孤魂殊堪心惻令馳驛歸

葬蔭其子一人

泰州志

繆珏枏茶人武進士授貴州定廣營守備在任訓練精
勇征苗有功擢左都督管遊擊事以苦戰卸甲得疾
歿於軍營

蔡金宏繆珏之僕生而魁梧膂力絕人從珏征苗貴州
屢賴其力珏歿遺幼妾孤兒貧無所依宏泣訴大吏
得資助扶其櫬於數千里外歸葬於鄉終身事嫠婦
幼主如珏生時里人咸義之

此二條採繆氏族譜

臣子而以忠節著非家國之幸也然而其人千古
矣之數賢者不爲威武屈不爲富貴淫庶幾障東
海之波而立懦夫之志歟矧列之祇得八九人益

東臺縣志 卷之二十二 五
守道之難矣

東臺縣志卷之二十二 傳三

孝友

洋洋

王謨首敦孝弟

仁澤甄陶醇化鬱起亶亶忘劬怡怡和愷庸行堪嘉奇
節亦美一念精誠感昭神鬼猗惟先民式鏡閭史
志孝友

漢

董永西溪鎮人父亡貧無以葬從人貸錢一萬以身作
傭葬畢道遇一婦人求為永妻永與俱詣錢主令織

絹三百匹以償甫一月畢辭永去曰我天上織女也
緣君至孝上帝命我代爲織絹言訖凌空去今西溪
鎮永與父墓並在焉

晏溪志

按永事見太平御覽所引劉向孝子圖其辭云董永
千乘人少失母獨養父父亡無以葬乃從人貸錢一
萬永謂錢主曰後若無錢還君當以身作奴主甚怒
之永得錢葬父畢將往爲奴於路忽逢一婦人求爲
永妻永曰今貧若是身爲奴何敢屈夫人爲妻婦人
曰願爲婦不耻貧賤永遂將婦人至錢主曰本言一
人今何有二永曰言一得二於理乖乎主問永妻曰
何能妻曰能織耳主曰爲我織疋疋絹卽放爾夫妻
於是索絲十日之內疋疋絹足主驚遂放夫婦二人
同去行至本相逢處乃謂永曰我是天之織女感君
至孝使我償之今君事了不得久停語訖雲霧四垂
忽飛而去今向圖不傳史家亦不著於錄而千乘郡
乃今山東青州府北境何以又稱縣之西溪人耶然
遺蹟昭然相傳已久不敢沒也

明

吳汝寧女豐人洪武中兄汝陽以蔡權鹽法事連

雲南烏撒衛越六年假歸憚於復往汝寧慷慨

行至黃陵廟遇風覆舟死七世孫嘉紀紀之以

崔念守克聖富安人任俠喜談兵曾遇異人授以神矛

術景泰中大同都督郭登辟爲武略將軍會母盧病

辭歸晨昏奉藥餌衣不解帶者數月母歿哀毀骨立

時戎馬倥傯羽檄交徵皆不赴天啓六年分司徐光

國奉詔爲建孝子坊鹽御史陸顏其坊曰孝行傳家

念事諸兄恭謹無抗言諄語居恒簡靜卽盛暑鏤金

石亦整襟危坐終身如一日杜門卻軌築一室日逸
老堂臨歿遺囑曰子孫若問前程事修身種德是良
謀

陳昊安豐人嘉靖三十八年倭寇至掠其父邦國去昊
追奪身中數刃持益力賊感其孝并釋之

郭煒富安人字汝照嘉靖中父疲於花石版之役煒裹
糧徒步至徐州求代之官司憫其孝父得釋歸

杜敬安豐人一家八百餘口同居共爨內外無閒言有
七子十九孫皆克肖其志鄉人以為孝弟之報

吳守賦安豐節婦楊氏子也痛母苦節曲盡孝道溫清

無違有司旌之曰一門節孝

王嘉錄安豐人年數歲父之漸歿其母力貧守節嘉錄
長感母之恩曲盡孝道官司旌之

周大和字默齋安豐人剛方不苟友愛尤篤盡以腴產
與其弟獨取敵廬瘠田沒齒不悔

吳嶸安豐人生平友愛兄貧糶供之終身壽九十七臺
史旌之曰百歲人瑞

王嘉美少貧苦四十始娶弟兄友愛資產毫無所私

季永清安豐人幼補郡庠生謹信友愛家庭雍穆一鄉
重之

夏木富安人家極貧事父母盡孝有司爲請於朝歲給粟帛

崔希聖富安諸生性至孝母偶患痢躬親滌濯衣不解帶母愈始寢

周七漢富安人家貧傭力養親克承意旨

郭志仁質任自然而好學無厭孝友著於鄉里

崔畫富安人與兄盡天性淳篤無分彼此終身怡怡無

憾言

曹均本城人性至孝親歿以哀毀過禮羸瘠而死

李乘龍本城人以孝聞於鄉

陳一元何梁人性孝友養寡嫂撫兄子兄子夭又善視

其婦撫其孤孫孫殤殮葬盡禮每凶歲倡衆賑饑復

捐田百畝爲義冢官司給以冠帶榜其門曰今之太

邱

韓美梁梁人事後母盡孝

徐宏楫茶人以父喪哀毀致死

繆涵楫茶人孝友性成立心長厚工爲詩壽八十九歲

人以爲善人之報

繆三陽楫茶人父溘

見篤行傳

早逝因母康氏多疾遂絕意

仕進以養母時二弟俱幼乃悉易房廬爲締造計旣

長冠婚各盡其禮所置資產盡與二弟均分居鄉恂恂與人無忤里中強悍少年見之皆曰此長者不可犯其盛德感人如此子四知四龍孫五鳳皆列庠序雍睦醇雅俱能守其遺訓

繆紹舜耕茶人少補弟子員事親能養志有弟二人友愛極篤悉以資產均分兩弟而澹泊自甘及親沒獨營祭葬不以累弟啓父遺篋有餘金亦分兩弟一時

稱為長者

以上舊中十場志

田毓葵字蘭玉秦潼鎮人孝友樸誠平心率物次弟毓芝三弟顯吉父歿後盡心輔導自任家務俾二弟得

專攻舉子業以祖居荒村恐聞見淺狹送之天城

書時餽薪米不絕毓芝為名諸生顯吉成進士皆茲

力也

秦州志

國朝

王斌字為憲安豐諸生能詩善屬文弟爛字萊衣尤

書法事母孝順治乙酉偕從子禹開客揚州遇亂

開被掠爛追至苑虹橋奪之禹開逸而爛受害斌家

居聞變徒步往收弟骸積屍中求禹開以歸

王英夫原名俊民為人慷慨尚意氣遇事果敢不避艱

險事父雲台至孝友愛猶篤兄嫂逝遺三孤皆在襁

祿撫養教誨恩勤備至及長婚娶如己子祖孫三世同居其產嘗捐資置義冢以安旅櫬及貧不能葬者歲荒倡義發賑全活無數州學屢舉鄉飲大賓皆謙不赴人愈重之子若聖諸生亦篤厚謹信好學尚友有祖父風

徐時命字柱石安豐人少受經於伯父懋勳奉教惟謹事之如父懋勳喪時命以舌舐之而愈得復視母早寡孝養備至遇諸弟以慈里人袁汝楠以非辜陷大辟其叔汚與時命謀救之未得會恤刑使者至時命挺身出訴白其寃得釋歸而袁尚未知爲時命之力也晚年有疾季子我選割股以療愈之後長子我達成進士我選亦爲名諸生

徐楚望字參日雍家庄人我達之孫兄定武家素封妻亡無子嗣楚望子楚望勸兄更娶或謂之曰彼產屬君之子何勸焉楚望曰立嗣與繼室皆爲宗祧義也豈計利哉後定武聯舉三子而卒楚望皆撫之成人壽八十三

崔蔚富安人崇禎末父士科被誣陷獄罪且不測蔚上書訟父寃願代父死推官湯來賀歎其誠孝權令抵禁後三年竟釋歸

崔之秀富安人士雲子爲嗣叔父士雷後事嗣父母至孝父患背疽口吮吐之無難色後父歿之秀寢處柩旁者三年

蕭應鳳梁梁人父母相繼亡應鳳哀毀逾禮既葬引棺作韓廬墓六載風雨霜雪未嘗少離與人言輒一孺慕之思終身不衰

繆師周字郁文耕茶人三歲喪父事母蔡以孝聞守得滯疾師周年逾六十矣晝夜不離床第衣不解者月餘及歿水漿不入口者數日

杜三星梁梁諸生事親孝其從子英亦以孝聞

蔡日芳耕茶人事親孝母徐病篤日芳禱於神夜夢手書一米字示之其後母果壽至八十八日芳亦年七十哀慕如嬰兒鄉鄰爲之感泣壽八十

沈士道耕茶人生七月而孤及長痛不逮事父奉寡母曲盡孝道終身未嘗有違言忤色年八十二猶孺慕不忘

以上康熙中十場志

王鴻藻字形颺安豐人良六世孫早歲有文名以廩貢廷試第一考授教習總裁鄴園李公有裴楷清通王戎簡要之目時有言官建短喪論奉

旨下其議于太學命諸生各抒所見鴻藻抗言三年之制

世莫易議遂寢旋歸養父卒哀毀而終生平慷慨
義宗族親朋皆倚賴之所著有鷗吟集六卷

王氏族譜

余維璿字玉衡先世歙人僑居安豐天性純孝父病喘
每一舉發璿輒皇皇如不欲生父歿並奉高曾六槨
葬如禮嫁諸妹授諸弟室心力交瘁所自置產盡分

時惟弟所擇亦不以爲德

秦州志

周繼文安豐人夜有羣盜入其室索金不得縛其父後
符以火灼之家人驚避繼文年十一持杖直前與
鬪盜去而父竟以焦爛死旋奉母何訴諸官捕盜
法

繆閔達耕茶諸生父喪哀毀立泣血三年鄉黨稱孝

乾隆七年學使劉榜其門口雙孝可風蓋其弟婦徐
氏曾割股救姑也

王子鑑字廷鈞安豐人幼孤依叔父大成長事大成如
父家貧勞於生計日有所進盡以備大成甘旨大成
寢疾子鑑與妻顧氏躬視湯藥衣不解帶及卒哀毀
盡禮每忌日祭必衰絰奉叔母李亦如之

畢懋生字慧也安豐人少孤貧事母方至孝母素多病
懋生親爲裹足滌溺器年二十喪妻或勸之娶歎曰
夫婦五倫之一也婦再醮爲失節豈夫獨當更娶乎

且吾有子矣何娶爲州牧尉遲旌之日孝義可風
陳蕃初字桐英何梁庠生孝養寡母乾隆庚辰就江寧
省試忽寤寐不安謂母必有故不逮試而歸母果遭
疾人以為有嚙指心痛之感及母歿哀毀骨立既葬
每晨必詣墓號泣往返二十餘里三月無閒由此得
疾幾不起遇異人授以奇方而愈始孝之報也
周煜字子建耕茶人性篤孝父嘗病腹滯煜嘗糞以卜
差劇比父歿哀號嘔血慟不欲生闔里呼爲周孝子
而不名學使者特給衿服焉

童龍光本城人善養親志其父現

見壽自註樂壽於

謂子克孝婦克順蓋實錄也精岐黃爲一時名醫

安豐人父顯祖

見方技傳

有癩疾妻亡出遊不返

生甫九月養於伯父耀祖稍長事伯父如父每語及
出遊輒流涕弱冠聞父客山東不持一錢孤身往
尋之不遇又尋至京師仍不遇一動幾死終朝泣禱
於神後十餘年卒遇於揚哀請三日乃許之歸及歸
食必進酒肉呼兒女歌舞以娛之已則從旁密伺惟
恐不慊父意父歿殮葬盡禮

周維宏字可南安豐人監生父疾篤方禱神中庭忽雷
擊庭前樹仆而維宏若無所聞禱如故壽七十九著

有草香社詩鈔

繆壽字先五何梁人貢生年十四失怙家貧就師學醫
每晨出必省視問安否已忍饑市餅餌懷歸奉母母
偶出汲壽見之長跪道旁請母親汲後兼習儒補弟
子員凡宴會文酒以及診視疾病返必坐母榻前縷
述之雖夜深無間也母儉約壽節裘不御潛製絨衣
裙托言姻姬餽遺者母中風十晝夜日不交睫禱於
玉皇閣求代夜見神前燈火大如斗比歸母即愈後
母足患疽壽早晚屣負出外視之顏色爲憂喜如
是者十年母歿慟哭至血出見母生前所嗜飲食

流涕命家人徹去

姚翔覽字步青泰州人隸縣籍年十四父疾篤侍奉湯
藥衣不解帶每夜焚香祝天疾旋瘳與諸弟同居無
間言父好客時具甘旨以謀宴會母高性好善常給
錢米供母施濟父遺田數頃並已續置產皆爲其弟
鬻幾盡置不問式好如故少爲掾吏以忠厚存心遇
人有急難事不惜典質營救之邑有善構訟者某陷
之幾不測當事廉得其情得雪未幾某攫於罪已具
詳禡其籍又爲叩頭力請縣令段琦去任知荆溪事
罷職遣其從子來東臺病歿僧寺爲備衣衾棺槨送

樞還吳並厚爲資助其好義多類此

王國柱本城人以藝營生事父俊公盡孝定省扶掖不離左右父怒必跣捧杖解顏乃起父喜浴必親爲解衣帶試水溫煖而抑搔之浴訖必問父所嗜買以歸家貧甘旨雖稱貸必給後父壽至九十餘

以上
新增

割股

明

梅應聘小字長庚安豐人未嘗學問性篤孝繼母吳病痢篤醫不能治應聘嘗糞甘憂之乃剪左右臂肉各一瓣密煎投藥中進母未及愈復剪脇肉燃香薦佛

一服而痊

繆好直耕茶人父疾劇嘗糞以察安危復割股進之而愈事聞官司歲給米布

繆君正耕茶人母蔡氏病危嘗其糞復割股進之得愈官司旌之

潘森角斜人母病篤醫藥弗效乃嘗其糞隨割股療之得瘳爲人謹飭自守壽八十有二

郭志文字禮卿富安人年十二時母得疾割股療之愈壽至七十二歲老而好學孝友之名聞於鄉里

吳木安豐人年十五母馬病危焚香告天割股肉方寸

作羹以進母服之愈數年又病復割股如前亦瘳
 王泰來安豐人年十六母疫甚晝夜號泣默禱於天割
 股進之得愈後母卒夜必與父共寢曲盡溫清終身
 不衰官司旌之曰純孝

黃啓瑞安豐人年十五割肉救母得愈

申機富安人年十六母病篤割股療之後父病再割股
 肉亦愈生平潛心學問鄉族稱之

黃矜本城人童子時遇父疾劇私割股療之得愈未幾
 母疾復割股如前亦痊

許長兒梁梁農人也其祖病目睛突出割股以進日隨

愈人皆稱其孝感

周文明梁梁人父病劇割腹肉作羹救之洞見腸胃見
 者驚駭父疾既愈瘡亦瘥

崔紹勳 紹和富安人性孝友紹和嘗割股療母弟兄
 愛敬至老同居

蔡耀楫茶人初名本毅一名輝由府庠入國學性篤孝
 父病劇潛割股救之愈時年甫十三大司馬張伯鯨
 爲之贊曰純孝并軌黃香慷慨可方季路

吳概安豐人幼年割股療父及長游於庠絕迹公門不
 與外事有長者風

劉權安豐人家貧傭春養母每有飲食率妻敬供之母
偶疾權割股進之而愈

崔廷賢富安人事繼母朱盡孝朱病篤與妻楊氏晝夜
顛天請以身代割股和藥得痊

劉溪三竈人父賢邁疾醫莫能治割左股進之父旋起
他日母病復割股療之而瘳

繆秉倫枌茶人家貧傭作以養母值母病篤時方弱冠
割股救之

徐日益枌茶人母繆嘗邁疾割股救之得痊年餘復病
又割胸肉和藥以進亦瘳

周棐西溪鎮人割股救父居喪廬墓三年遇大水架木
寢處其上不少離

沈守能字鶴洲安豐人年十四父西樓見辱於里中惡
少守能以計挫拆之惡少斂跡弱冠兄欲析產泣諫
而止父病割股以進少瘥父詢知之哀慟仆地不數
日死守能哀毀以死妻王守節別有傳

薛禎富安人母陸病久醫莫能療乃密封左乳旁肉煮
藥以進得痊齎使謝旌其廬

王穎夫富安人母病百計莫效祈禱備至乃割股以進
母獲痊官司旌之

石星富安人事親曲盡愛敬母病危篤禱天祈以身代
割股以進愈

季守常富安人母病割左臂肉爲羹一飲卽愈官司旌
以至孝

崔之一富安人郡庠生母病危百計莫療乃割股以進
得瘳使陸給額旌之

朱堯應何梁人割股救父官旌其閭

徐士美 薛鑑 張盧 張芟 楊正芳 仲一奎

徐仲沂 張嘉徵 徐行美 行仁皆梁梁人割股

療親官司歲給米布

何之清 丁惟上 薛文紳皆富安人割股療親官司

同旌之

翟億本城人 金希游 金希堯俱何梁人皆割股救

親

國朝

王日強字坤明安豐人順治八年母染疫於姊氏家日
強禱武廟剖左脇截肝寸許昏仆神座前遠近聞而
觀者數千人其姊奔救昇歸取肝和藥進母母愈日
強五晝夜始甦月餘創乃合母性不喜雪歿後旣葬
大雪日強挈帚趨墓所掃之僵凍幾死妻子掖之歸

翌日雪益甚仰天號泣不止鄉里呼爲癡孝子

沈成勳守能長子當崇禎庚辰疫盛行寡母王病劇成勳與季弟聘開皆病仲弟廷勳將割股救母二子與爭先卜於神得成勳母服之愈王大經爲之傳

崔斌崔蔚兄也

蔚見孝友

弟袞皆割股救親與蔚並稱三孝

子

吳永斌安豐人父嘉堯久患痰症百藥罔效永斌割股肉雜藥餌投之尋愈

孫應元安豐人父病劇應元剖脇出肝割取炊之以進父疾瘳子亦無恙

蔣伯姬安豐諸生父以正病篤割股療之年餘父卒兩弟繼亡大慟嘔血死

何世源富安人爲人質訥不事文飾祖母盧年九十病劇世源時年二十三夜焚香告天將剖肝以救方礪刃於礪恍惚見一青衣童子來供水少頃不見至夜深避人潛剖左脇見其肝自吐乃割一片烹以進給祖母曰羊肝也食之少愈及曉猶入市取藥歸乃仆臥不起家人驚視始知其故未幾創痕卽痊人以爲孝感所致云弟世淵亦有孝行

何啓隆富安人篤厚醇樸事親能以色養母郭氏病醫

藥罔效啓隆割左股和藥飲之而愈父紹登又病復
割右股亦瘳曾經 旌表

何世綬富安人母病篤綬禱於北斗求以身代又念兩
世一身恐絕先祀乃割股肉烹以進母食之愈越十
餘年母得噎疾則又割肉以冀其愈逾兩月疾未盡
起又割股肉燒灰調酒飲之始全瘳

繆好昌枌茶人家貧事父母定省如古禮母病衣不解
帶數月既篤割乳旁肉雜藥爲餌以進負痛昏暈覺
有人語曰汝母壽已絕上帝鑒汝誠今延三年矣既
而和羹母飲之得愈後三年母無疾而卒

蔡日靖枌茶人母病到股以療鳳撫張尙賢給榜旌之
蔡承才字文明枌茶人性最孝母朱染寒疾已成痿痺
承才割股煮粥飲之遂起行如故

蔡日泰字天澤枌茶人父貞吾以嗜飲成蠱絕粒待斃
日泰計窮割股爲瀋飲之移時忽遺黃黑水數斗霍
然而愈

徐九章枌茶人母病破脇割肺以救獲愈妻魏氏乳姑
另傳入孝婦

符宏恩枌茶人稚魯鄉民也五歲失怙恃賴叔父德輝
及叔母張撫育成人一日張暴病藥弗效宏恩潛割

股肉燒灰和酒飲之得少瘥翼日張語宏恩曰昨藥太妙須再進一匕霍然矣宏恩無以對第默然垂淚詢問得故舉家泣歎此尤為難得也

以上康熙中十場志

程壹清梁梁人監生品行端方父母病俱以割股得愈吳芝廕字星鹿安豐人幼失怙事祖母汪母周盡孝汪病割股和粥以進得痊周病亦割股療之壽至八十有五

夏一鶴字齡干安豐人年弱冠父雲病篤一鶴割股和藥以進得愈

徐萬侯操舟為業往來興化東臺開父病篤祈方於華

陀廟需馬肝療之自分貧不能購因思已生值午午馬也遂剖脇引肝出割一葉復納肝入不知痛楚作羹進父果愈乾隆二十六年陳相國巡撫江南聞其事書聯予之日會是以為孝乎其愚不可及也後縣令王玉成旌之日愚孝可風免其應差

周廣識字心融安豐人父病剜股為糜以進而愈兄弟同居五十載施范堤西義冢田拯錢氏女被溺撫佃婦李氏俾守節終其身壽八十一

顧魁南 曹建中俱本城人 季鐸何梁人 韓日永

梁梁人 杜顯庭 王宏高 王黻皆安豐人 徐

祺 繆昌宗俱耕茶人皆割股救親 以上新府志鹽法志

申世基富安人監生割股救母

薛季銘富安人監生庠生兆瑞嗣子年十二割股救嗣

母

李煦何梁人庠生李桃次子母病割股和藥以進母病

尋愈踰三載母卒哀毀而卒年三十五歲

王家杞何梁人父病割臂肉療之壽八十四

徐復恩安豐人監生割股療父事三繼母無閒言

金蕢何梁人割股救親

胡松遐何梁人母宋氏病篤家貧醫藥無措潛至華陀

廟祈禱割左手無名指煎湯以進愈越二年病發又

至三官殿武帝座前泣祝仍割左手中指煎湯病復

愈越一年病復發昏暈一晝夜蘇曰武帝令我回因

松遐腰間藏廚刀俟我蓋棺將自刎以殉我壽已終

諭松遐母執意愚昧反遭天譴言畢而終 以上新增

孝之大者在貽父母以令名始於事親中於事君

終於立身無非孝也温清定省甘旨無違抑已未

矣至於割股救親以父母之遺體行殆事屬不經

先儒嘗屢辨之

朝廷亦不概予旌表然愚夫愚婦往往行之而效蓋

一念之誠通於神明有不可沒者故依十場志鹽
法志新府志錄之以附於後

東臺縣志卷之二十三 傳四

仕績

雲霞蔚起在海之壘濟濟多士鵬運以騫官業斯
著秉哲勿愆德歌五袴清選一錢彼土無惡桑梓
榮焉樂只君子允憲前賢志仕績

元

吳謙字撫軒安豐人原籍蘇州宋季其祖休徙安豐謙
幼讀書有智略工騎射成宗朝以文武全才舉爲兵
馬都轄居官勤慎多所展布卒於任囊無寸儲惟書
籍數冊而已

吳顯卿謙之子仕元爲嘉松提舉司初下車卻餽減耗
風采凜然未踰年詭旨盡除鹽政清肅至正閒罷歸
隱居新竈關園曰小隱里中苦旱掘地爲井以恤鄉
鄰出資獨登市街遺蹟尙存

明

徐進卿耕茶人元程鉅夫聘之不就隱處海上及太祖
起兵乃從軍征討有功已而取泰州授泰州管略官

忠孝軍百夫長

以上天啓
中十場志

周沂字公魯安豐諸生洪武初海上凶饑賑濟命下有
司未卽舉行萬民愁歎欲叩閭訴寃而無其人沂方

弱冠毅然請往抵金陵值上微行以流民狀行歌於
市上詢得其概命具疏入卽逮所司置重典賜沂深
衣大帽書以股肱二字予之官九江太守時江西積
有逋賦沂往徵之積逋盡清一時多所修舉以抗直
犯當道忌謫戍遼北士論惜之

泰州志

吳伯載字納菴顯卿孫性孝友博學工詩文與同里周
沂善沂官九江寄以詩有句云學問輸君得大醇郵
來詩格最清新洪武中以經明行修舉爲常山令鋤
豪滑超沉寃振學校勵農桑清賦役嚴保甲善政畢
舉秩滿復任常山九年擢京職嘆曰吾髮種種矣一

官匏繫何爲遂告歸歸日闔邑扶老挈幼號泣送之
居家二十載杜門卻軌爲鄉飲賓者再壽八十有八

康熙中
十場志

陳珪武卞莊人洪武初從大將軍徐達北定中原授龍
虎衛百戶改燕山護衛從成祖出塞爲前鋒進副千
戶靖難兵起積功至指揮同知還佐太子居守累遷
都督僉事封泰寧侯永樂四年董建北京宮殿八年
帝北征輔趙王留守北京十五年命鑄繕工印給珪
並設官屬兼掌行在後府十七年卒年八十五贈靖
國公諡忠襄子榆嗣其曾孫良弼署南京中府事
明史

張麒樹茶人洪武中任江西行省參政從軍有功陞行
省左丞子禮世襲指揮僉事從征安南有功授廣西
衛鎮撫

何廷富安人洪武中以武功封東臯侯

張獻字汝珍富安人由進士任浙江遂安令廉介自守
均賦役興學校治水利革弊剔奸期月閒豪橫斂迹
逃移復業者數千人未久去任乞留者甚衆
以上中
十場志

徐達字宗達周卞莊人演子
演見篤
行傳幼習舉子業輒試

弗偶嫻法家言爲府刑曹椽居心平恕有張姓者偶
附客舟至中途爲邏者所獲發之舟中皆私鹽也鹽

販驚而遁縛張之官將以千斤充罰張之婦鬻女具
白金求釋達曰何從得此張以實告達曰願得女卽
返金二月持女至達笑曰以女易金金不敢受以金
易女女豈忍受乎昨已代爲求釋矣其父涕泣感活
命恩後謁選授單縣丞適土木難作達職專馬政不
措不索民安之調溫縣時忤監司欲媒其短達操勵
無可訾議久之心迹竟白而監司亦平未幾以憂去
復補鄞縣丞慈愛之心孚於百姓事至卽剖決無滯
獄亦無冤民民蒙其惠者咸尸祝而俎豆之年五十
得子蕃舉宏治鄉薦癸丑成進士釋褐以達老乞終

養踰年而達始卒人以爲仁恕之報云嘉靖中贈通

議大夫副都御史

徐氏家譜

徐蕃字宣之號北屏達子由進士授南京吏科給事中
以論劉瑾廷杖幾死放爲民瑾誅起爲江西參議會
寇亂朝廷徵兵督勦崎嶇兵閒十餘年坐不戢功僅
贖罪爲浙江提學副使抑浮靡崇理學擢山西布政
使尋以都御史出撫鄆襄清覈流民得二十餘萬戶
盜賊屏迹行旅晏然後以工部侍郎提督易州廠以
疾乞休蕃性簡淡寡嗜好居處服饌取給而已見其
子治室美志之素無妾媵其妻爲購少女備巾櫛蕃

歸見之即日遣還其家

徐嵩號小石蕃子由進士授戶部主事與議興獻禮忤旨廷杖尋復職陞郎中會考選漕運軍職甄別允當出爲保定河間知府擢湖廣副使分巡江防時牛首山礦徒猖獗辰衡二府騷然撫按屬嵩調集官兵督戰殲其渠反側悉平捷聞遷山西參政擢布政使移撫順天時朶顏三衛連結哈密聲言入貢將圖不軌

嵩委身經略賴以寧謐

以上秦州志

喬銀字國珍號南樓西溪鎮人嘉靖閒在何塚場三里灣與倭戰斬其酋軍門給與義勇冠帶後隨總制張

公子江南殺賊有功陞泰州守禦千戶所世襲百戶繆滂耕茶人嘉靖十八年倭入犯境滂奉檄統領竈勇截殺獲賊十餘級悉以功分人或問之曰使子孫不才反害之矣今日第爲朝廷戮力耳後以場使缺權理八月多所興葺

徐邱耕茶人有膂力武勇絕倫嘗調征播蜀皮林諸處有功事聞優旨褒獎

程運富安人性孝友慕范文正公之賢建祠祀之爲汾州府經歷時方築城瘞骸骨恤丁役轉海寧丞築海塘權嘉興縣事擒盜安民歷有勞績以老告歸天啓

口年舉泰州鄉飲大賓

徐耀字韞生早孤季父吳撫之以富安場竈籍登崇禎元年進士知福建龍溪縣多異政撫海寇劉香老有功入為兵科給事流寇犯鳳陽抗疏糾漕撫誤國罪直聲振天下時軍餉告匱命耀督逋賦於兩浙獨請蠲派二十餘萬淮揚旱代里民繪圖請命得免徵泰州飛派鳳米萬石特疏豁免轉太常少卿遷都察院僉都副使協理院事卒於任贈副都御史

蔡日晉耕茶人由太學任鴻臚寺序班至光祿寺署丞奉差催督安慶廬州軍器馬價著有勞績

以上康熙中十場志

朝

田顯吉秦潼鎮人天姿超穎十歲應州試冠其軍年二

十領崇禎己卯鄉薦選嘉善縣令不就至國朝順

治十八年成進士知山東嶧縣在官除胥吏徭役緩

徵稅減刑杖革陋規禁苞苴諸多善政邑人德之督

撫交薦內用會以疾卒百姓有嘆息泣下者祀鄉賢

祠 秦州志

繆君明耕茶人順治中以太學生任北通州知州擢大

同宣府洞知歷南昌府常州府同知清廉明察有為

海烈婦仲寃事常人建其生祠於烈婦祠 繆氏族譜

徐我達字兼善安豐人少廩於庠讀書西義阡寺沉酣
典籍能文章順治丙戌舉人丁亥進士知順天懷柔
縣改湖北益陽縣斷決如流咸中竅要攝長沙府事
以剛直被劾歸

康熙中
十場志

田敬錫字公燮顯吉兄子由歲貢考中書舍人承父明
符孝養備至淹貫經史里中稱爲文壇祭酒後補刑
部主事遷員外郎郎中時浙省一朝貴窩盜事覺行
數千金求寬解卻不受卒按治如律秦蜀起大獄株
連至千百人堅持不可卒從其議所活無算己巳監
修

太和殿告成蒙上賞辛未以考選試卷稱

旨賜蟒緞歸里後治別業日半園絕口不談時事會歲澇報
災大吏委員履勘慮駁飭敬錫慷慨肩之始得達晚
年捐西錦莊田四百餘畝價值數千金爲胡公書院
士子膏火之費至今賴之歿祀鄉賢祠

田廣運字右君敬錫子也康熙乙酉奏獻詩賦
召試博學至辛卯領順天鄉薦壬辰榜奉

旨欽賜進士充武英殿纂修官議叙除泉州府惠安令惠安
爲海疆岩道廣運蒞任多異政士民悅服遠人畏懷
督撫交薦奉

上諭曰廣運盡心公務勤勞可嘉擢江西贛州府寧都州
特恩也將入京引見卒於惠以上泰州志

姜穎新字文庸本城人如皋籍雍正元年進士與修會
典由翰林改官給事中出爲天津河道河不爲災以
怡親王薦擢直隸按察使釐積案辨疑獄捕巨猾劉
金剛等數十人置之法一時綱紀肅然樂育多士開
觀善堂於署之西偏廣築齋舍俾諸生肄業其中膏
火悉出廉俸給之未幾有江寧布政使之

命時穎新釋褐甫十年父母在堂年皆八旬乃乞養歸士論

榮之

新鹽法志

楊大同何梁人由承差任河南唐縣典史廉能有幹政
績多可觀者戶部郎中楊某注其考云存心抑畏馭
事精勤操守無玷於官箴輸納有裨乎國計

練應魁梁梁人爲人饒幹略長於吏治有權變遇事盤
錯他人歛手應魁遇之輒立解任湖廣慈利尉縣令
每事諮之倚以爲重嘗權縣事篆山中蛟出水勢洶
湧舉縣將沉溺應魁設計備之救民命以數萬計有
溪峒賊爲患設方略守禦烽烟不驚年老告歸創家
祠以聚宗族壽八十五

繆澍楫茶人任德清縣丞富學術居官有聲當路推重

之告歸日惟往時圖書一肩他無長物其清介廉潔
如此 以上康熙
中十場志

練光祖梁梁人由武生調選武健營從征巴里坤有功
議叙二等授懷遠縣千總

徐天鳳字文徵柝茶人丙戌

廷試策對蒙

上 褒嘉曰國士無雙由軍功歷官化林坪協鎮

繆霖字樹村由貢生任徐州府碭山縣訓導醇醴端慤
士林式之捐俸置學田數頃

繆錚字鍾如乾隆間由貢生任長沙府瀏陽縣丞卽擢

知縣事調興寧署衡州府通判能文章精吏治所至
民甚德之

杜明德字立人安豐人以舉人官安徽建平縣令歷署
旌德東流壽州知州池州府同知所至有政聲晚年
歸家杜門課孫未嘗以一刺謁公府

孫喬年字心山古孫家莊人文體華贍詞賦亦清麗可
喜由進士官蘇州府教授訓迪多士多所成就巡撫
閔公鶚元特器重之後卒於官

趙昇東字賓門唐壩人以廩貢就教官其在碭山適被
災辦賑學中多極貧士爲給予不公憤爭縣令欲繩

以法昇東力解之並出已金助給事乃已官泰興時有馮生觸當事將獲譴會學使劉按試通州昇東爲力辯雪其冤後家居設內塾課諸子從子及孫建外塾教族人子弟貧者更衣食之泰州庠生何濤子璠聘周氏女未婚而歿周誓志守貞貧無可依昇東月給薪米周賴茲獲全其志

范素字行九梁梁人工制藝早有文名慷慨好客由貢生歷任桃源石埭教官晚年休於家鄉人有難事輒以告告輒曲全之無厭心亦無德色

以上
新增

古者鄉舉里選未嘗分文武兩途也至漢以三途

取士又令六郡良家給羽林期門而文與武始分途矣要其殊勳茂烈赫赫照人耳目者武階中固大有人在邑志於表中旣列武科武階以別之而於居官著有勞績者例應立傳他志另載武勳一門究之勳亦績也而凡茲邑之登仕版者有績可紀則紀之不問武與文也故併武勳於仕績以策後之勉於自立者

東臺縣志卷之二十四 傳五

儒林

學判漢宋末論拘墟孰求諸實孰課於虛先哲後
哲殊軌同途束躬飭行式表里間箋經翼傳疏妄
祛誣比類而登庶幾步趨志儒林

明

王良初名銀王守仁為更名字汝止號心齋安豐場人
也七歲受書鄉塾貧弗能竟學弱冠父使治商往來
齊魯間已又業醫嘗過闕里謁孔廟及諸大儒從祀
瞻注久之大息曰是聖人者可學而至也同輩駭其

言及歸取孝經大學論語日誦讀置袖中逢人質疑
義輒中理解父竈丁役於官冬晨起寒甚良痛哭曰
爲子而令父如此得爲人乎出代親役入定省惟謹
一夕因夢頓悟心地洞徹覺天地萬物與己一體寤
而識諸壁曰正德六年閒居仁三月半居仁其堂也
自是行中規矩坐修容儀循誦默識意恬如也聞王
守仁倡學江西往謁焉執木簡署曰海濱生名其冠
曰有虞氏之冠其服曰老萊子之服踞上坐與守仁
語良知及堯舜君民事業抗辨不爲屈居數日有省
曰吾人之學飾情抗節矯諸外先生之學精深極微

得諸心者也乃始執弟子禮守仁語人曰吾持萬衆
擒宸濠未嘗動心今日爲此生心動矣良益自任從
守仁歸里歎曰吾師倡明絕學何風之不廣也還家
製小車北上所過招要人士以師說化導人聚而觀
者千百顧良言多出獨解不循傳註且車服悉古製
皆駭異之抵京師同門生匿其車趣使返守仁聞之
亦不悅良往謁拒不見守仁送客至門良長跪道旁
守仁不顧而入良隨入呼曰仲尼不爲己甚者乃揖
之起自是益歛就繩法復游吳越閒因百姓日用以
發明良知之旨究極於身修而天下平其言曰心有

所向便是欲欲有所見便是妄既無所向又無所見便是無極而太極又曰知愚夫愚婦與知與能與鳶魚飛躍同一活潑潑地則知性矣語持躬太嚴者曰君子不以養心者害心有問放心難收者呼之輒應而起曰汝心見在更何求乎曰卽事是心更無心矣卽心是事更無事矣郡守召辭以疾謂門人曰致師而學學不誠矣往教教不立矣不往是不仁也必往是不智也此道也或勸之仕或勸之著述皆不應劉巡撫節吳御史悌俱疏薦不報守仁卒於仁長迎喪桐廬營其家良年五十餘卽家講學遠近畢赴王氏

弟子遍天下率都爵位有氣勢良以布衣抗其開聲名反出諸弟子上持論益高音咳盼顧皆足動人其教大行及寢病夜有光燭地達旦語門人曰吾將逝乎顧仲子璧曰汝知學吾何憂遂卒年五十八門人爲之治喪私諡文哲四方會葬者數百人所著語錄及樂學歌孝弟箴求仁方格物要旨明哲保身論仁以爲己任賦海內傳爲圭璧良傳泰州林春貴溪徐樾樾傳永新顏鈞鈞傳南城羅汝芳永豐梁汝元汝芳傳歸善楊起元合肥蔡悉崧涇汝登汝登爲泰州

分司判官有傳在名宦

參明史
泰州志

王棟

學

良族弟江西豐城縣教諭擢深州
心理學崇祀鄉賢祠

王衣字宗乾良長子會物有本末之旨以起父格物致

知之說崔第詩所謂格物會聞啓至聰者也精翰墨

酷肖王守仁體率弟襃游學江浙立宗會光大家學

左配享崇儒祠 心齋集

王襃 一作壁 字宗順號東崖良次子九歲隨父謁王守仁

命之歌意氣恬易歌聲若出金石守仁曰吾越中無

此兒也奇而授之學踰十年歸已復之越師王畿錢

德洪學益邃制行嚴謹父歿襃始授學四方聘之主

講者甚多曾謂麻城耿定向曰道者六通四闢之塗

也藉謂我有之將採取焉而又曰我能得之則已難

矣聞者大服其言襃敦孝弟睦宗族取舍以義喪祭

必遵古禮建先祠置祭田月朔率子弟致奠考其一

月中所為竟日乃罷中丞凌儒疏薦於朝將召用襃

堅卧不起臨終屏婦女毋使近諭子弟親賢講學語

不及私 參州志 場志

王禔字宗飭良三子性嚴介善詩歌精翰墨講投壺禮

註先公遺錄著語略等書傳於世初艱于嗣會歲饑

禔鬻產捐賑未幾生子之廉相者 謂其有陰隲文

見於面焉

王補字宗完良四子註周易解族譜序詩歌學者稱之
王裕良第五子也幼敏慧過目成誦十歲能屬文善爲
詩甫成童註周易六卷年十八而卒

以上心齋集

季宦字存海安豐人少隨父爲商有牙僧以五百金寄
其舍遇盜入盡攫其室中資而寄金在他室獨存其
人至立還之其不欺如此旣而日謀食不如謀道乃
師事王良二子補郡庠生復出產以爲學田

周崇壽安豐人性聰穎八歲能詩受業王良之門悟良
邦爲性天作用隨處皆可時習之語良喟然歎曰起
予者童子也始可與言一貫矣自是以聖賢自期至
老不倦卒爲醇儒有文莊遺集藏於家

崔殷字邦實富安人性剛毅少聞王良講學卽執贄就
見不事口耳期於力行良以大器期之扁戶誦讀耄
而不倦分司周汝登造廬講業旌其門曰篤學真修
居士

吳瑾字伯瑜富安人少廩於庠師事王良倡明理學歿
後配享良祠

梅金號東齋本城人爲河南周王府審理以理學見知
於王良喜爲詩四方縉紳多與遊分司徐鵬舉尤器

重之

梅月字子垣富安人庠生清介謹飭言動合於矩矱聞王良樂學勉仁之訓遂大契悟

梅聖安豐人師事王襃潛心學問襃將卒門人有詢後事者第令聖雅歌其側其見重師門如此

王宏道安豐人生平篤信謹守師事王襃一以恬退自守不令子弟違義謀生計雖一室蕭然講習雅歌之聲不輟

周揚梁梁人事王襃三十餘年深於理學後進多所引誘壽八十九

徐治字景又新靈人生平醇謹與物無競常師事王襃

父死廬墓三年

以上天啓中十場志

徐懋勛字觀湖安豐人庠生事王襃確守師訓廉隅謹飭晚年嗜道愈篤既自得又恒舉以誨人纂徐氏族

譜以明宗法

東崖集

周思兼字紹旦安豐人州庠生事王襃謹恪誠信取與以義選錄定庵周公遺稿行於世配享崇儒祠

東崖集

季寅字存威安豐人少年膂力過人喜騎射搏擊從兄宦勸之向學乃折節讀書從王襃講習嘗詠竈居苦數章以諷嵯司有風人之旨焉

程泮富安人壯年向學師事王襃會刻其遺稿

黃鉦字子元梁梁人孝友著聞師事王襃分司周汝登
延主社學著有考槃集

吳愛富安人早年慷慨喜任俠既壯狷介自守遊會金
簡門從事身心之學晚年多所解悟爲心齋木主祀
於家

葛雷字應龍號禹川本城人庠生師事王襃講明理學
身體力行年未五十卽棄去鉛槧閉戶闡修時分司
周汝登構泰東書院之主講

葛天民字田純生以歲貢薦入大學任福清

縣丞轉山東衛經歷既歸於泰東書院倡會講學州
司舉鄉飲及門不就著有世德錄藏於家

周維新本城人幼事孀母稱孝及長篤志好學期有得
於心性常與王襃講習問難竟夜忘倦

朱緯字文之何梁人事親孝事繼母尤謹聞王襃倡明
理學往從之恍然有悟乃身體力行不治生產分司
周汝登延之主泰東書院

李庭芳本城人少補庠生後領歲薦爲鹽山教諭自處
清介既歸操守益嚴年八十猶倡明理學以引掖後
進

金文光本城人庠生性行端方言論不苟其學私淑王
良

朱必顯本城人樸實無偽終身未嘗有疾言厲色研性
命之學至老不衰

姜應選本城人會悟良知講求性理居恒以不欺為主
繆瀧耕茶人由貢生任成山衛教諭篤倫理尚忠信尺
步繩趨晚年與從子三陽砥礪性命之學以省察克
治為工夫淑世淑人為已任壽八十

繆好信耕茶人忠厚醇謹慕王良為人置木主於家事
之身體力行著有糾繆子集

以上天啓
中十場志

王元鼎號天真良曾孫師事新安理學陳履祥立志向
學遵父遺命纂修族譜建家廟立義塾睦宗族訓子
弟所著大學洩臆投壺譜內外品演文成公文貞祖
寓庸小傳等書行世

王嘉第良曾孫沉潛簡默克紹家學在鄉黨恂恂如也
能詩歌善談論

以上心
齋集

國朝

吳道昌安豐人州庠生潛心理學私淑王良每月會集
王公祠闡揚宗旨年八十餘精勤罔倦

袁懋昭字銘新本城人生孝讀書不事章句以明理見

性爲主少補郡庠生輒以斯道自任父母病躬侍湯藥刺血寫疏籲天祈代父與從父嘗有小嫌懋昭力諫至引錐自刺手腕流血父與從父皆感悟兄弟負官租私債竭蹶代償勸父焚逋券歲旱民艱食盡以所有穀數十斛分給貧窶冬月見無衣者解衣與之他如掩骼施糶諸善端不可枚舉一日見王艮勉仁堂集豁然有省從此參究良知之學熊少參聞而辟之俾主講席一時來學甚衆卒年九十六歲著有省言心印藏於家

姜雲鵠本城人質美而志端其學以本體爲主深契良知之說特建王艮祠肖像其中朝夕偕同人講貫期以淑人善世一時學者翕然從焉

王之藩梁梁人持躬耿介動以古道自處生平無僞行

虛言尤究心理學士論推之

以上康熙中十場志

田毓芝字明符秦潼鎮人有至性少習制藝鍵戶卻軌者數年補郡庠生益嗜學有志性命之學以王艮爲宗言物行恒見者以爲先民復出也晚年務恬退六舉鄉飲大賓不就修家廟置義田父母皆壽近百歲於其喪猶爲孺子泣居嘗語人曰吾生平慕心齋先生獲置木主於其側竊附門下士足矣嚮往理學雖

垂死不忘焉著有樂天堂稿十卷

泰州志

張符驤字良御安豐竈籍博極羣書二十補郡庠生卽
屏時藝篤信理學與陳大始等論性理往復辨難多
前儒所未發爲古文法歸震川康熙四十六年

南巡

召試獻竹西曲張文正公第其詩一等入國子監辛丑

始成進士改庶常在館三年遂告歸編輯宗譜獎勵
後學遊其門者益衆少時曾焚券二篋通籍後貧約
如故不私謁官府然於捐賑濬河修隄諸有益鄉里
之事必力贊成之黃山閔賓連卒於廣陵驥葬之蜀
岡爲其子續娶使之有後平生尤好表章節烈故所

爲傳記尤多著有依歸草又集自長吟詩集

參州志
新府志

通天地人之謂儒漢之董仲舒東漢之鄭康

大儒矣史家皆爲立專傳而至授經承師之士乃
類入於儒林此蓋有微意焉宋史欲尊周程張朱
五子特標其名曰道學以冠於儒林之上編矣東
邑自王心齋先生講學安豐大闡陽明之旨數十
年間士夫靡然嚮風殆授經承師之遺意焉而場
志標其名曰理學其宋史道學之稱歟茲仍類而
序之曰儒林其不爲此學者則概入於文苑

東臺縣志卷之二十五 傳六

文苑

史遷雄健班馬喬皇六朝綺靡振起於唐體以代
歧文以人章欽惟

盛世聲教萬方海邦毓秀盪靈摩光作者傑出縑素
流芳志文苑

明

崔第富安人州庠生性清介長於歌詠壽八十六著有
鹿野集行世

崔三錫富安人少入郡庠篤志學問老而不厭長於詩

有得郎見諸吟詠壽九十二有遺稿

劉允成安豐人諸生性敏慧於六藝無不究心終年不問戶外事生平守正不阿處貧約晏如也卒時年

四十遠近傷之分司雷私諡曰貞愍

何蓮芳梁棊人好古不倦著有遺稿藏於家

潘道光角斜人自處嚴介至與人接則恂恂如也弱冠補弟子員試輒高等喜古文詞博極羣書號稱淹雅學者多宗之

徐應泰枏茶人幼聰穎博極經史既長敦倫睦族恂恂有古人風

徐倚枏茶人介直有守人不敢以私予爲學務淹通博極羣書士林稱之

繆好仁枏茶人方正不阿清介自守弱冠補州庠生好學能文章老而不倦年八十有五

國朝

王大經字倫表安豐人原籍江西南康父本部

本部見篤行傳

生四子大經其季也少以文詞鳴博涉經史諸子百家號王武庫陸提學舜嘗稱之曰寸心以內有千古一卷而外無百年其推重如此康熙十二年撰中場志書成分司汪兆璋酬以金幣不受著有獨善堂

文集六卷

沈聘開字亦季安豐人守能子

守能見
孝友傳

聘開少孤嘗與

兩兄爭割股以救母同里王大成大經吳嘉紀皆以詩文相尚聘開與之頡頏號東海四逸著有汲古堂詩存

王衷丹字太丹安豐人幼孤貧長而工詩深入高學少

室書法始摹羲獻後仿懷素蕭疎故曠求者恆滿

外著有朝尋集

徐振麟安豐人郡庠生為人溫恭善下言訥訥知不

諸口然落筆為詩文輒灑灑千言尤工草書家感古

圖書甚夥

徐估枏茶人賦性慷慨排難解紛不計所費博聞能詩

著有小溪集

蔡命仲字天定枏茶人資性絕人而篤於學屬文務期

有裨實用不事經生家言家貧說經授徒一時名流

多出其門

蔡嘉善字鳳池枏茶人少孤讀書好古不屑屑習舉子

業說古今典故時無有能難之者事寡母周最孝待

幼弟友愛有加年未四十而歿鄉人悼之

以上康熙
中十場志

張世爵字從修符驤之父

符驤見
儒林傳

副貢生工詩文與陸

舜張幼學為曲江社友工制藝長洲韓宗伯葵稱之家貧樂善值歲祲賑粥以濟饑修學宮除三十六家

保正著有覆餘集 新府志參張氏家譜

傅瑜字象山交豐人州庠生有文名汪太史梅時過陋

軒訪吳嘉紀必借瑜倡和竟日著有蜃樓賦贈炙人

口

馬士奇字瑤圃希賢子 見壽考傳 本城人性孝友博物洽聞

多讀異書多著述南莊其別墅也弟士哲字鯤溟

多奇弟士林敬禪之其子及從子泰謙友謙撰

中十場志壽考門移入

周京字海吉安豐人性孤傲從吳嘉紀游詩尚古談不

入時趨著有柳隱集

徐發大字願小安豐人我達之姪 見仕績傳 工詩與吳嘉紀

沈聃開倡和弟發莢字冀階亦工吟咏著嶺雲集默

菴詩稿

徐渚星字螺胎安豐人我達之孫與其弟樞電字寶孕

同為名諸生皆工詩寶孕尤工畫山水

繆函字函九何梁人郡庠生工詩善書與興化陸種園

輩友善種園沒函為梓其詩餘以行世生平重友誼

類如此著有夢覺山人集

王凱字蒼舒富安人庠生品端學遠長於制藝著有鶯
書閣塾課稿

錢青田字鶴仲富安人歲貢生淹博能文著有忘言集
文集小築山房詩稿以上
新增

季時泰字雨亭安豐人諸生大來裔孫見隱
逸傳性孤冷傲
岸善鼓琴著有雨亭詩鈔弟京泰字洛東亦耽吟咏

著有芝衫詩

施雲標字井亭安豐人諸生宗鏐裔孫見尚
博聞強記

讀書至老不倦著有小篋簞詩集

此二條
鹽法志

繆蓮舟字泗山柟茶人貢生篤實所行止不苟從游

者甚衆如夏溶錢高翀任蕃皆出其門

錢高翀字雲友本城人恩貢生工制藝幼喪父受母教

端莊簡重不苟取與鄉里重之

陸友信本城人諸生性行端慤善屬文設教里門從游

甚衆乾隆三十四年舉優行於鄉

以上
新增

德行本也文藝末也舍本而取末君子弗貴已茲

錄率皆有行而尤長於文者至若工爲制藝史傳

未嘗稱焉而明史已及艾東鄉陳大士諸人故並

錄之亦不沒其人之意云爾

士

如有善

三長

東臺縣志卷之二十六

傳

篤行

有言必信有行必篤弗習於華寧守其璞遠瑗暗
行顏淵夜浴容節不改斯風可淑敬錄芳徽無玷
簡竹庶幾觀德式振靡俗志篤行

明

季鎬字文弼安豐人庠生成化時與選經明行修天性
孝友恒以敦倫厚俗為務立族譜嚴祭祀里中婚喪
宴會得鎬一顧為榮

王江字紀芳安豐人良之父
良見儒林傳
少喜任俠中年更

樂善不倦古樸坦夷壽九十三臺使請於朝歲給粟
帛分司周汝登題其像曰心齋之生開氣所鍾生心
齋者開氣所從厥後何自九十三翁是子孟孫氏是程
大中丹青雖巧若爲施工洋洋海水泰州之東千秋

百代永鑒斯容

以上泰
州志

楊寶安豐人性恭謹事母至孝每得一新味未奉母不
敢嘗也嘗坐室中聞呼殿聲過門卽起立中庭俟旣
遠乃復坐曰吾父母官也或謂彼不之見胡致敬爲
曰彼目不見我我心則見彼心可欺耶平居以布爲
巾帽垂老不衣帛語人曰寶布衣也分不可論行志

整飭不以急遽廢禮遇童子亦端揖無忘容年七十
七臨歿沐浴着深衣幅巾端坐中堂遺言訓子弟
良雅重之

徐演字秉淵周卜莊人演賦性寬和好行其德恂恂有
長者風嘗歲宴親朋盤盂多珍飾隣有陶姓者使酒
突至持其盤盂去演闔門與賓客權飲自若詰旦醉
者悟以盤盂頂謝演手扶之起一笑而罷一日命子
糴麥西溪鎮夜爲人竊舟去偷兒不知舟自演所翼
日復操舟至演所賣之演識之保甲者將之官演曰
吾旣已得舟矣奚訟爲其人泣謝去晚歲喜農事杜

門不之城市年八十有六無疾而終以孫蕃貴贈通議大夫右副都御史

王之垣字得師長孫廩於庠娶陳氏年十九病瘵瘵日雙瞽陳欲爲畜妾垣力辭未幾生子陳早卒垣題其寢室云松作正人不妨霜雪蓮爲君子亦自汚泥遂終身不娶按院高攀枝高其誼請於朝歲給米帛歿後配享崇儒祠

王頌師事從父襃

見儒林傳

纂修族譜捐財以濟貧者嘗得

遺金訪還其人里中疫癘大行施棺百餘具

黃輔字相之安豐人少多材藝不自以爲能人有善汲

汲稱之惟恐不聞於人其居心如此

丁勳字守臣安豐人樂善不倦與人無爭一詩稱爲長者

韓琢安豐人束修自飭臨財不苟撫兄弟之子如子貲產毫無所偏里人咸以友愛推之

王宏毅師事仲兄襃講明良知之學晚年怡情詩酒節操凜然

吳旦安豐人師事王襃亦明於良知之學家貧不治生計一室蕭然絃歌自若

王宏器安豐人早年好學倡衆纂修族譜慕賢樂善壽

七十五

士卿安豐人生而敏慧力敦孝友銳志理學

吳本元安豐人立心公普凡有利於衆者奮身直前不計利害鄉人倚重之

王嘉令號仰菴安豐人辰之孫

辰見尚義傳

少孤貧織嗇作

苦數十年積貲累巨萬力行善事賙親族助婚葬贈行旅讓弟及從子田宅至施櫬修橋梁濬五倉河陂七里街所費不貲皆獨力任之先是嘉靖閒角斜場以潮變派本場代辦鹽一千七十引歲納課二百十四兩有奇經五十餘年嘉令出身告復始得免其勇

於爲義如此嘗除夕袖金坐市門見所知過者察其窘分別贈之歲以爲常一日行揚州市一丈夫僕從甚都遇嘉令驚謝其人自言嘗困逆旅得嘉令資以十金去今爲賈致富故來報德而嘉令漫不省記終辭其金壽八十九時同場杜世泰亦有除夕贈金事吳天錫安豐人動履正直嘉靖時巡撫鄒應龍舉爲揚州府鄉飲大賓升歌之日輿情協然

王士閑安豐人循循雅度和氣藹然居平以敦族化俗多所感悟力任心齋祠事經營拮据賴以有成

周魁字文魁安豐人性篤實潛心理學身體力行與弟

文常相愛敬鄉里化之

吳斐安豐人庠生篤慎謹守閉戶闇修生平足跡未嘗一至公庭里人重之

王子孟臣安豐人端方謙謹不苟言笑生平以誠信待人歷終身如一日

杜汲安豐人端方嚴正臨事不苟目不知有富貴里人多畏而憚焉

周瓊安豐人舉動方嚴鄉里奉爲楷模年八十州舉鄉飲賓辭不赴願賜及其門亦殊典也

吳珥山安豐人庠生六十無嗣娶某女爲妾知其女已

先受他聘卽還之壽八十七

周長道人海濱煮鹽戶椎魯人也逸其名修長有膂力以其軀偉而嗜善故人皆呼爲長道人家貧無妻子食力以度日每售鹽得值見貧窶者卽脫手與之羣兒或攘取其鹽陽爲不見而去焉有佃戶碎其主鏹而攜子以償者周代償主鏹還其子嘗有姦僧宿其家盡竊其所有以去爲官司所得僧自供及逮周以証周乃曰我令其市器物也僧得釋有少年持僞券索其逋周視曰誠然身適有鹽值但尙不酬數姑受此餘以俟異日可乎少年笑曰聊戲耳庸有是所居

宅瀕水有積薪夜有人涉河竊薪翌日悉移置彼岸聽其自取一日暮歸見偷兒方入室反走匿草中俟其人取物去始入鄰人悉嗤之而周自若也行之既久終不見其有矯飾後不知所終

以上舊場志

周命新字明寰安豐人少有聲譽序安豐俗偷薄好訐訟新秉性端方凡行有不正者必勸諭之與弟命時

友愛讀書好道有戒殺文感應篇註疏

秦州志

吳完字大有富安人少喪父母疏食三年治家嚴謹慎

交遊重然諾全寡妹節完亭民婚獻社學地毀族田

券喜讀朱子小學常置一編於側

採儲巖墓志

程悌富安人性篤厚屢捐粟賑饑嘗有穿窬入其室家人獲之悌哀其窮厚贈遣之勸令改行道拾遺金坐以俟其至還之

崔紹夷富安人爲人樸茂立志向學中年失偶不再娶壽七十餘

何桂富安人狷介自守尤究心理學至老不懈

崔舜富安人爲人質實不事浮華以禮義自持嗜學無閒寒暑

丁洛富安人廉靜自持雖窮約不希未嘗以稱貸于親

族壽八十二

東臺縣志 卷之二十六
申棟富安人行履端方動準規矩尤究心理學壽七十餘

徐龍字雲甫富安人生有至性少喪親時懷隱痛及長能繼父業以昌其家有司給以冠帶壽七十六

丁自新富安人純履古茂終身無疾言遽色又能善繼父志壽八十二

崔希日富安人少曠達壯乃折節向學年八十餘無倦伯母王氏守節養之終其身

崔贊富安人生性質素中年研究理學自覺有得年五八十猶孳孳不倦

翟天然本城人稟性端方與人無欺治家以嚴肅臨事不苟

沈世傑本城人篤厚仁讓和藹性成慷慨好施絕無德色至於老而無倦

翟倫本城人孝友惇篤臨財思義教授生徒有家貧不能卒業者常多方成就之

周元慶本城人存心篤厚未嘗與人有所爭鄉里稱爲長者壽八十四

鄧槐字棘夫本城人醇樸無僞恬退自修每遇歲凶親族貧苦者咸依倚焉壽九十四其妻亦與偕老云

夏期禹木城人樸實坦夷中無城府動履悉秉於禮
陸高本城人老成篤實淡於世味以廉潔自持壽九十

六

李權本城人性孝友撫育兄弟子之孤者睦族敦倫子

廷芳

見儒林

亦爲醇儒

夏受本城人天性淳良以古道自處卓然不爲流俗所
染

周木本城人孤潔自守尤慎於臨財少涉非禮千金不
易其操當時以嚴正稱之

姜果本城人謙恭謹厚事無巨細必臨之以小心故終
身無過舉

姜光祖本城人醇謹好修事親以誠更篤於行義至易
簣之日不衰

夏彬本城人甘貧守義嘗值歲凶道得遺金坐待亡者
還之官司給榜旌焉

沈桐本城人好施與屢捐粟賑饑嘗有偷兒入室視之
則鄰人子也爲曉以大義贈金遣之卒化爲善

姜應庚本城人一生以倫常爲重居心誠篤言行相顧
人多敬之

楊燭篤於藝倫

金榜温恭恬退

金樽慷慨好禮俱

何梁人

謝桂何梁人好義還金壽至八十官司給以冠帶

顧衢梁梁人庠生潔清好修契王良良知之學嘗在維揚逆旅中得遺金百兩待之三日還其人偷兒夜入室衢覺之諭以廉耻厚贈遣之有惑之以色者嚴拒弗內其守正多如此

王增梁梁人以妻許氏孝於姑而早喪終身不娶有負其財者輒焚其券至老未履公庭壽八十一

孫宗元清介自守 周文學和平樸茂 黃自新樸實
菊守 徐時起愷悌温和 曹應龍坦夷和厚 孫

承業守正不阿 王錄端方有守 郭良謹厚和平

周坦廉潔自好 周賓純謹篤實 張芟和厚樂

善 朱淳生篤實好修 曹基樸茂不事浮華且篤

於義 周方質實不苟 徐時進向志理學好古不

倦 曹松嚴介自持生平未嘗二色 王响妻亡不

娶鰥居四十餘年 曹梓與物無爭 顧時鳴曠達

喜讀書 王子儀好善樂施遇事謹飭俱梁梁人

蔡經耕茶人樸厚渾成言笑不苟正德中兩舉鄉飲大

賓

徐鈴耕茶人治家嚴肅子孫守法論事切直鄉間敬之

嘉靖時侍御洪公垣考核善惡分司舉爲善人詳鹽
法志

徐進耕茶人慷慨喜施里中有婚喪不能舉者每樂爲
助分司高儀題其門曰入孝出弟蹈仁履義志切扶
危心存康濟

繆洧耕茶人敦倫睦族急知交勵操守時場罹倭寇男
女奔竄有孔姓者裹百金藏廁中逃去洧見秘弗言
寇退召其人還之洧能文章少以經學補諸生著有

海涯集

周松字世常耕茶人豪俠好義公直無私鄉人有爭訟

者必爲排解得其一言皆斂手推服

繆三辰耕茶人處已謙和與物無競終身未嘗有疾言
怒色人服其雅量

繆三綱澹泊寧靜厚重少文臨財以廉言語必信壽九
十

蔡滌字雙陽耕茶人慷慨有氣節遇事不避勞怨隆慶
中運河淤塞力請於官發帑金以濬三弗竟捐私橐
千金佐之鄉人有爭田構訟累歲滌悉其曲直爲言
於直指下其事府州正其疆鑿諸石爭遂寢晚年築
室落成念弟居湫隘卽欣然讓之日晉卽其孫也

晉

見仕
續傳

徐九思耕茶人少入府庠忠誠篤厚孝友性成人稱爲善士

徐貞一耕茶人博覽羣書精研名理幼繼伯父承禮爲嗣後承禮生三子貞一能精誠感格兄弟間毫無間言生平勤履不苟凡與交者無論尊卑皆敬畏之年三十二而歿妻朱氏苦節自守里人哀之

繆三台秉性方直動必以禮人莫敢干以私少年皆憚其嚴正 繆居貴質直有守喪偶不再娶 徐鳳儀居身簡約不干謁有司壽八十五 徐攸律身嚴介

處世和平 蔡仁謙恭篤實壽至九十俱耕茶人

吳三鳳角斜人謙退自處安貧好學年七十四志猶不

衰 以上舊十場志舊鹽法志

袁沔字右川安豐人賦性磊落視天下事無不可爲者兄子楠遭場民丁某橫逆鄰少年爲不平歐丁斃之逃去丁之族遂執言沔及兄子殺人沔慨然獨在之官司不聽罪坐楠沔百計營求閱十六年卒脫兄子於獄天啓中大盜王虎子招集亡命白晝殺人人莫敢誰何沔憤甚密白場使報州府部勒里中子弟爲保甲出賊不意大破之殲其衆是役也沔功第一有

莊民陳麒被誣在盜籍中又爲出金以計脫其難年

七十餘崇禎初卒妻丁氏見賢婦傳亦有賢行句曲張芳

合而傳之參場志本傳

田狩龍字鐘字秦潼鎮人抱道鄉居孝友誠篤課子外

無他事兄死遺孤子撫之成人置義田義倉立家塾

年八十餘卒著有明道大意良知說誠正解樂道歌

勸學語教子格言遜菴詩集皆有益世道人心者子

三長毓葵見孝友傳次毓芝見儒林傳次顯吉毓芝子敬錫孫

廣運俱見仕績傳皆以功名起其家秦州志

徐吳富安人耀見仕績傳季父也吳養之教之如已子生平

敦倫慕義崇禎中州牧舉爲鄉飲大賓授光祿署丞

子孫均有名於庠

國朝

王本部字克任號守吾安豐人性剛方誠懇學務實踐

尤憊憊於孝弟教人以忠恕爲先貧不能卒業者力

爲扶掖之遇鄉里緩急不惜罄貲助之與人交初若

難合久則信義相孚里有訟得一言卽釋居恒不衣

冠不見子弟子弟不衣冠亦不敢來見生四子皆教

之讀書不希榮祿但期飭躬勵行而已壽九十一里

人私謚曰端毅先生

繆奇文楫茶人性端方舉動循矩獲未嘗以造次廢禮
嘗見有鬻子女者卽時捐金贖還之竈民苦徭役莫
敢訴奇文毅然爲條疏利病罷之順治初豐利場有
于姓者女被掠至楫茶奇文捐金贖歸還其父壽八
十
陳夢兆字隆隱富安人不事詩書然循循矩步有儒者
氣象教子孫列庠序者四人多隱德其最著者嘗獨
葺學宮修家乘居恒見一善事有裨實用者必手錄
以識不忘明季曾授鴻臚署丞冠帶順治中舉鄉飲
大賓以年老堅辭壽八十三

杜日榮字春陽安豐人貢生母丁年老齒脫僅能食糜
日榮爲購參苓果餌以代膳者垂二十年朝暮焚香
稽首北斗冀延母壽雖舟車逆旅中不廢也弟日隆
蚤天撫三孤如己子遇窮阨失所者傾囊以贈無德
色當明季場境頽遭水道堙相望爲發困粟千餘斛
鳩工疏市河以蘇民困全活不可勝數後饑民嘯聚
剽掠白當事置渠魁十餘人於法自此一方有寧宇
者數十年日榮之力也場素乏科第形家言於場東
南創奎星閣當有應卽時捐私橐構之未幾季來之
舉於鄉徐我達盛治相繼登進士順治中舉鄉飲賓

壽九十三

練緯明尚書子寧裔也自子寧仲子宣童

見流寓傳遁迹過

江從此梁梁有練氏十餘傳至緯孝友性成從子失

怙撫同己子財產讓於兄弟對人如嚴賓語不及私

年近八十猶孳孳勤學不倦

宣童場志作吾二今從鹽法志

繆起鰲耕茶人以忠厚世其家生平尤孤潔自守未嘗

以私事入公庭順治中舉鄉飲賓分司朱給以榜曰

德重鄉評壽七十八

田上龍字春臺秦潼鎮人孝友性成品行端肅康熙四

年舉鄉飲大賓 旌之日 熙朝憲老子歸策字卜

明人品學問亦推重一時

秦州志

思榮耕茶人篤志為學最嚴義利之辨以為此人禽

出入關晚年進修愈力康熙戊申州牧舉鄉飲大賓

與以思榮薦子連瑋俱列於庠有文名

黃啓道號宏宇安豐人謙恭下人事父母甘旨必親友

愛昆季賙濟貧乏常施棺以助喪人多德之壽八十

八

一魁安豐人端方和藹遇三尺童無慢容家頗豐衣

冠悉從簡素嘗遇凶歲倡首捐粟以活饑民官司旌

之里人舉為約長化導一方人多趨於善既歿私諡

爲惠恭處士

陸一先安豐人幼肆力詩書待人以誠一切機事機心舉不入其胸中足跡未嘗一涉公府壽八十餘

盧熾號仰池富安人家世耕讀爲人質實無文以力田起家累鉅萬雖貲產饒裕而日用飲食俱有程度至親戚有急則濟之惟恐後嘗曰吾非吝財天地間物當爲天地愛惜耳以忠厚訓誡子孫生平退讓不與人爭未嘗有睚眦之怨晚年纂修家譜立宗祠置祭田於本支之誼尤篤壽八十七臨終取逋欠積券悉焚之鄉人多感泣焉

盧應鵬號雲程熾子也愿恪謹厚如其父竟日相對不妄發一語終身未嘗以忿怒加人年已老而承歡友愛無異孺子不雕不琢無懷葛天之遺民也

周汝誠富安居鄉篤厚有長者風御史秦採訪善人輿論以汝誠應召見優以禮數給榜獎之

士希縉富安人恂謹樸茂言行不苟御史馬廉知其實特命州牧徵聘如古鄉舉禮亦爲給榜


蔡嘉樂字春圃柘茶人持躬嚴峻喜與人爲善見有過必諄諄勸導至改行而止鄉黨中有義舉多方助之終身未嘗有欺人事人亦不忍欺之方之陳太邱云



繆時彥耕茶人古處自好立心不欺性淳厚不露圭角而遇事精明卽處盤錯裕如也年四十卽屏棄世務子若孫二十三人列於庠者三四人親見四世壽近九十


繆夢熊耕茶人愷悌子諒篤於倫理親族有窮乏者恒多方補助嘗遇兵掠一婦人將攜之遠去其夫貧不能贖惟隨之號泣夢熊見卽爲贖還又嘗見鄰家產安貧不能育將投諸水夢熊爲收養後以子祚官守備得封以上中十場志

君子行己之大端入則事父兄出則事君長而已

豈忠孝之外別有所謂篤行者乎第考其生平動必以禮慎取舍重然諾施惠不求人報有古仁厚長者之風激濁揚清茲其選也余觀場志所載類不著事迹而標之以四字或八字之評其當否固不可知然此風實始於東漢如日天下模楷李元禮不畏疆禦陳仲舉上自學校下迄鄉閭蓋自古有之矣若夫一事一節之可取不必概其生平者則皆入於尚義云







70007044

